



Adresseinformasjon fylles inn ved ekspedering. Se mottakerliste nedenfor.

Adresseinformasjon fylles inn ved ekspedering. Se mottakerliste nedenfor.

Dato: 06.11.2017

Vår ref: 17/05772-3

Dykkar ref:

## Høyringsvar frå Bjørgvin bispedømeråd om Kyrkjerådet si sammensetting

Bjørgvin bispedømeråd vedtok fylgjande høyringsvar med fleirtals- og mindretalsuttalar i bispedømerådsmøte 3. november 2017 i sak 34/17 Høyring - Kyrkjerådet si samansetting:

### Høring om Kirkerådets sammensetning

Bjørgvin bispedømeråd finn det uheldig at sak om samansettinga av kyrkjerådet kjem til høyring uavhengig av sak om valordninga. Desse sakene heng tett saman og har konsekvensar i forhold til kvarandre. I utgangspunktet meiner vi difor at kyrkjemøtet bør behandle desse to sakene i samanheng. Dessutan vil vi peike på at det trengs ei utgreiing av høvesvis kyrkjemøtet og bispemøtet sitt ansvar i saker som gjeld lære- og liturgispørsmål.

#### **1. Har høringsinstansen synspunkter knyttet til leder av Kirkerådet?**

##### *Alt 1:*

I tråd med tidligare anbefaling frå Kyrkjemøtet ønsker Bjørgvin bispedømeråd å fastholde at Kyrkjerådets leiar skal veljast blant Kyrkjemøtets valde medlemmer. Bjørgvin bispedømeråd ønsker ikkje at biskopen vald av Bispemøtet skal kunne vere valbar til vervet som leiar av Kyrkjerådet. Det er ikkje ønskeleg med ytterligere avgrensingar knytt til valbarheit.

*6 stemmer*

##### *Alt 2:*

Bjørgvin bispedømeråd meiner at Kyrkjerådets leiar må veljast blant Kyrkjemøtets medlemmer. Dette opnar for at også ein biskop kan bli leiar av Kyrkjerådet.

Samstundes ønsker Bjørgvin bispedømmeråd ikkje å innføre ei ordning der Bispemøtets preses leier Kyrkjerådet i kraft av sin stilling. Det er ønskeleg at leiar av Kyrkjerådet vert vald av Kyrkjemøtet gjennom ein demokratisk prosess med ulike kandidatar til vervet.

*Ingen stemmer*

*Alt 3:*

Bjørgvin bispedømmeråd ønsker å innføre ei ordning der bispemøtets preses skal vere leiar av Kyrkjerådet.

*3 stemmer*

## **2. Har høringsinstansen synspunkter på spørsmålet om hvert bispedømme bør være representert i Kirkerådet?**

*Alt 1:*

Ordninga med representasjon frå kvart bispedømme i Kyrkjerådet, er naudsynt å vidareføre. Det sikrar det einskilde bispedømmeråd forankring og god kontakt. Ordninga er også i tråd med demokratiske prinsipp om representativitet. I tillegg hadde ordninga svært stor tilslutning i Vegval-høyringa frå 2015. Bjørgvin bispedømmeråd er kritisk til å erstatte Kyrkjerådets samansetting knytt til representativitet, med ei ordning der Kyrkjerådets samansetting vert knytt til kompetanse innan spesifikke fagområder. Bjørgvin bispedømmeråd meiner at fagkompetanse knytt til drifta av dei sentralkyrkjelege organa primært skal sikrast gjennom Kyrkjerådets administrasjon. Det valde Kyrkjerådets primære oppgåve er å representere Kyrkjemøtet, noko kvart medlem av Kyrkjemøtet er kvalifisert til gjennom sitt verv.

*9 stemmer*

*Alt 1 med tillegg:*

Bjørgvin bispedømmeråd meiner vidare at representantane frå kvart bispedømme skal veljast blant dei leke medlemene. Prestar og leke kyrkjeleg tilsette bør veljast som ein eigen kvote, på bakgrunn av at dei også blir vald inn i kyrkjemøte på ein eigen kvote.

*7 stemmer, mot 2 stemmer*

*Alt 2:*

I tråd med kva ulike instansar uttalte i Vegval-høyringa, er det ønskeleg at det valde Kyrkjerådet har tilstrekkeleg kompetanse innan teologi, administrasjon, juss og økonomi. Slik kan rådet vere til nytte for kyrkjerådets administrasjon. Bjørgvin bispedømmeråd ønsker difor at Kyrkjerådets samansetting vert endra, slik at det vert nominert kandidatar på bakgrunn av kvalifikasjon, og ikkje som representantar frå det einskilde bispedømme. Det bør fortsatt vere slik at Kyrkjerådet vert vald blant Kyrkjemøtets medlemmer.

*Ingen stemmer*

## **3. Har høringsinstansen synspunkter på spørsmålet om Kirkerådets medlemmer må være medlem av Kirkemøtet?**

Bjørgvin bispedømmeråd meiner det er avgjerande at Kyrkjerådets medlemmer må være medlem av Kyrkjemøtet. I tråd med demokratireforma og utgreiinga «*Styrket demokrati i Den norske kirke*», fastheld Bjørgvin bispedømmeråd at Kyrkjemøtet ikkje bør ha høve til å supplera seg sjølv.

*7 stemmer, mot 2 stemmer*

#### **4. Har høringsinstansen synspunkter på antallet prester i Kirkerådet?**

##### *Alt 1a:*

Det er lang tradisjon for at råda i Den norske kyrkja er samansett ut frå prinsippet om ein felles styringsmodell for den ordinerte tenesta og leke representantar. Bjørgvin bispedømeråd meiner denne ordninga også bør speglast i Kyrkjerådets samansetting. Det handlar om å spegle korleis myndigheit elles er fordelt i kyrkjeordninga, i eit gjensidig samvirke mellom embete og råd. Bjørgvin bispedømeråd har ikkje sterke synspunkt på det nøyaktige talet på prester som bør veljast til Kyrkjerådet, men meiner ein bør streva etter god balanse mellom leke og den ordinerte tenesta.

*6 stemmer*

##### *Alt 1b:*

Det er lang tradisjon for at råda i Den norske kyrkja er samansett ut frå prinsippet om ein felles styringsmodell for den ordinerte teneste og leke representantar. Bjørgvin bispedømeråd meiner denne ordninga også bør speglast i Kyrkjerådets samansetting. Bjørgvin bispedømeråd meiner at den geistlige representasjon i Kyrkjerådet bør styrkast. Biskopane sitt ansvar for lære- og liturgisaker tilseier at halvparten av desse geistlege representantane er biskopar.

*3 stemmer*

##### *Alt 2:*

Det bør ikkje vere eigen kvote for prestar i Kyrkjerådet, men prestane som er medlemmer i Kyrkjemøtet bør vere valbare til Kyrkjerådet på linje med dei leke representantane og dei som er medlemmer av Kyrkjemøtet gjennom å vere vald som lek kyrkjeleg tilsett. Det er biskopen vald av Bispemøtet som i kraft av sin stilling representerer den ordinerte tenesta i rådet, tilsvarande biskop i bispedømeråd og sokneprest i sokneråd. Dersom ein i samband med utarbeiding av ny kyrkjeordning finn at det vil vere ønskeleg med tilsettere-representasjon i Kyrkjerådet, vil prestar vere valbare til dette på lik linje med andre kyrkjeleg tilsette.

*Ingen stemmer*

#### **5. Har høringsinstansen synspunkter på antallet lek kirkelig tilsatte i Kirkerådet?**

##### *Alt 1:*

Ordninga med at leke kyrkjeleg tilsette vert vald til Kyrkjerådet, er som høringsnotatet uttrykker det, noko som vil bli vurdert i samband med utarbeiding av ny kyrkjeordning. På bakgrunn av dette finn Bjørgvin bispedømeråd ikkje at det er grunn til å endre ordninga på det noverande tidspunkt.

*Ingen stemmer*

##### *Alt 2:*

Det bør ikkje vere eigen kvote for leke kyrkjeleg tilsette i Kyrkjerådet, men dei leke kyrkjeleg tilsette som er medlemmer i Kyrkjemøtet bør vere valbare til Kyrkjerådet på linje med dei leke representantane.

*Samrøystes*

#### **6. Har høringsinstansen synspunkter på leiarne i Mellomkirkelig råds og Samisk kirkeråds deltakelse eller medlemskap i Kirkerådet?**

Ordninga med at leiarane i Mellomkyrkjeleg råd og Samisk kyrkjeråd møter i Kyrkjerådet med møte-, tale- og forslagsrett, er som høringsnotatet uttrykker det, noko som kan bli vurdert i samband med utarbeiding av ny kyrkjeordning. På bakgrunn av dette finn Bjørgvin bispedømeråd ikkje at det er grunn til å endre ordninga på det noverande tidspunkt.

*4 stemmer*

*Alternativt forslag:*

Bjørgvin bispedømeråd ønsker at alle representantar i Kyrkjerådet har stemmerett. Som ein følge av det, bør ikkje leiarane frå andre demokratisk valde råd, her MKR og Samisk kyrkjeråd, ha tale- og forslagsrett. Det same vil gjelde UKM.

*5 stemmer*

### **7. Har høringsinstansen synspunkter på hvordan ungdomsrepresentasjon i Kirkerådet kan ivaretas?**

Bjørgvin bispedømeråd støtter forslaget om at leiar av Kyrkjerådets utval for ungdomsspørsmål får møte-, forslags- og talerett i Kyrkjerådet, på lik linje med dagens ordning med leiarane i Mellomkyrkjeleg råd og Samisk kyrkjeråd, basert på høringsnotatets gitte føresetnadar. Samtidig meiner Bjørgvin bispedømeråd ei slik ordning ikkje må sjåast som ei erstatning for at kandidatar under 30 år vert valde inn i Kyrkjerådet etter ordinær modell. Det er viktig å fortsette arbeidet for god representasjon av kandidatar under 30 år i bispedømeråda, Kyrkjemøtet og Kyrkjerådet.

*4 stemmer*

*Alternativt forslag:*

Bjørgvin bispedømeråd ønsker at alle representantar i Kyrkjerådet har stemmerett. Som ein følge av det, bør ikkje leiarane frå andre demokratisk valde råd, her UKM, ha tale- og forslagsrett.

*5 stemmer*

### **8. Har høringsinstansen synspunkter på antall varamedlemmer i Kirkerådet?**

I lys av at Kyrkjemøtet ein gong årleg kan foreta suppleringsval, legg Bjørgvin bispedømeråd til grunn at eitt varamedlem vil vere tilstrekkeleg.

*9 stemmer*

### **9. På bakgrunn av høringsinstansens vurderinger til spørsmålene ovenfor: Hvordan ønsker høringsinstansen oppsummerende at Kirkerådet skal sammensettes?**

Bjørgvin bispedømeråd vurderer det slik at Kyrkjerådets samansetting må henge nært saman med kva oppgåver det skal forvalte. Vi meiner difor at spørsmålet om Kyrkjerådets samansetting bør utgreiast i samanheng med kva oppgåvefordelinga mellom Kyrkjerådet, Bispemøtet, Mellomkyrkjeleg råd og Samisk kyrkjeråd vil vere i den nye kyrkjeordninga.

*9 stemmer*

Bjørgvin bispedømeråd ønsker i hovudsak ei samansetting som svarar til den vi har i dag. Det er vesentleg for Bjørgvin bispedømeråd at Kyrkjerådet vert vald blant Kyrkjemøtets medlemmar. Bjørgvin bispedømeråd meiner det er ein styrke for Kyrkjerådet at organet har leke representantar frå alle bispedømeråd. Det handlar

om å spegle korleis myndigheit elles er fordelt i kyrkjeordninga, i eit gjensidig samvirke mellom embete og råd.

*5 stemmer*

Med helsing

Jan Ove Fjellveit  
stiftsdirektør

Tore Skjæveland  
kyrkjefagsjef

*Dokumentet er elektronisk godkjend og har difor ingen signatur.*

Mottakarar:

Kirkerådet, Mellomkirkelig råd, Samisk  
kirkeråd

KR - Avdeling for kirkeordning, Andreas  
Henriksen Aarflot

Postboks 799  
Sentrum

Postboks 799  
Sentrum

0106 OSLO

0106 OSLO